

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**R J E Š E N J E**  
o odbijanju Zahtjeva za odgađanje izvršenja Rješenja Konkurencijskog vijeća  
broj: 01-06-26-027-140-II/08 od dana 21.7.2009. godine

**Sarajevo**  
**Avgust 2009. godine**



Broj: 01-06-26-027-151-II/08  
Sarajevo, 13. avgusta 2009. godine

Na osnovu člana 42. tačka g) Zakona o konkurenciji («Službeni glasnik BiH», br. 48/05 i 76/07), i člana 18. st. 2. i 3. Zakona o upravnim sporovima Bosne i Hercegovine («Službeni glasnik BiH», broj 19/02, 88/07 i 83/08) u vezi Zahtjeva za odgađanje izvršenja konačnog Rješenja Konkurencijskog vijeća, broj: 01-06-26-027-140-II/08 od dana 21. jula 2009. godine, donesenog u postupku pokrenutom na osnovu Zahtjeva za pokretanje postupka podnesenog od privrednog subjekta M.R.M. export-import d.o.o. za trgovinu, marketing i usluge Ljubuški, Bana Jelačića b.b., 88320 Ljubuški, podnesenog putem opunomoćenika Zajedničke advokatske kancelarije PALAMETA & PALAMETA, Kralja Zvonimira 15., 88000 Mostar, protiv privrednog subjekta Društvo za zastupanje i trgovinu ASA AUTO d.o.o. Sarajevo, Bulevar Meše Selimovića 16, 71000 Sarajevo, kojeg zastupa Advokatska kancelarija Spaho, Muhameda Kantardžića 3, 71000 Sarajevo, Konkurencijsko vijeće, na 92. (devedesetdrugoj) sjednici održanoj dana 13. avgusta 2009. godine, je donijelo

### **R J E Š E N J E**

1. Odbija se Zahtjev za odgađanje izvršenja pobijenog konačnog Rješenja Konkurencijskog vijeća, broj: 01-06-26-027-140-II/08 od dana 21. jula 2009. godine, podnesen od privrednog subjekta Društva za zastupanje i trgovinu ASA AUTO d.o.o. Sarajevo Bulevar Meše Selimovića 16, 71000 Sarajevo, kao neosnovan.
2. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je zaprimilo, dana 11. avgusta 2009. godine pod brojem: 01-06-26-027-150-II/07, od Suda Bosne i Hercegovine (upravni spor broj:U-383/09) Tužbu, podnesenu od Društva za zastupanje i trgovinu ASA AUTO d.o.o. Sarajevo Bulevar Meše Selimovića 16, 71000 Sarajevo (u daljem tekstu: Tužilac ili ASA AUTO), kojeg zastupa advokatska kancelarija Spaho, Muhameda Kantardžića 3, 71000 Sarajevo, kojom je pokrenut upravni spor pred Sudom Bosne i Hercegovine (u daljem tekstu: Tužba), protiv Rješenja Konkurencijskog vijeća broj: 01-06-26-027-140-II/08 od dana 21. jula 2009. godine (u daljem tekstu: Rješenje), donesenog u postupku pokrenutom na osnovu Zahtjeva za pokretanje postupka podnesenog od privrednog subjekta M.R.M. export-import d.o.o. za trgovinu, marketing i usluge Ljubuški, Bana Jelačića b.b., 88320 Ljubuški (u daljem tekstu: M.R.M.) protiv privrednog subjekta ASA AUTO.

U Tužbi Tužilac je istakao i Zahtjev za odgađanje izvršenja pobijanog konačnog Rješenja Suda Bosne i Hercegovine (u daljem tekstu: Zahtjev), u smislu člana 18. stav 4. Zakona o upravnim sporovima Bosne i Hercegovine (u daljem tekstu: Zakon o upravnim sporovima).

Sud Bosne i Hercegovine je dostavio predmetni Zahtjev Konkurencijskom vijeću i naložio da odluči o istom u roku od 3 dana, u skladu sa članom 18. Zakona o upravnom postupku.

U predmetnom Zahtjevu, Tužilac traži odlaganje izvršenja konačnog Rješenja do donošenja konačne odluke Suda Bosne i Hercegovine jer smatra da bi izvršenje pobijanog Rješenja Tužiocu nanijelo štetu koja se teško može popraviti, a da odgađanje nije protivno javnom interesu niti bi se njime nanijela veća nenadoknativa šteta protivnoj stranci.

Konkurencijsko vijeće je u ocjeni predmetnoga Zahtjeva uzelo u obzir odredbe člana 18. Zakona o upravnim sporovima, i to:

- stav 2. koji glasi «Po zahtjevu Tužioca, mjerodavna institucija za provođenje izvršenja pobijenog konačnoga upravnoga akta, odgoditi će izvršenje do konačne sudske odluke, ako bi izvršenje nanijelo Tužiocu štetu koja bi se teško mogla popraviti, a odgađanje nije protivno javnom interesu niti bi se njime nanijela veća nenadoknativa šteta protivnoj stranci...»; i
- stav 3. koji glasi «Mjerodavna institucija iz stava 2. ovoga člana može i iz drugih razloga odgoditi izvršenje pobijenog konačnog upravnog akta do konačne sudske odluke, ako to javni interes dozvoljava.»

Prema članu 18. Zakona o upravnim sporovima nadležna institucija može odgoditi izvršenje pobijenog konačnoga upravnoga akta (konačnog Rješenja) kada utvrdi da su ispunjeni kumulativni uslovi propisani članom 18. stav 2. Zakonu o upravnim sporovima, a prema stavu 3. istoga Zakona nije obavezna odgoditi izvršenje ukoliko ne nađe da za odgađanje postoje drugi razlozi osim onih navedenih u stavu 2. Zakona o upravnim sporovima.

U postupku odlučivanja po Zahtjevu za odgađanje izvršenja pobijanog konačnog Rješenja utvrđeno je da u Zahtjevu nisu navdene činjenice koje bi Konkurencijsko vijeće smatralo opravdanim za donošenje odluke o odgađanju izvršenja pobijenoga Rješenja, u smislu člana 18. stav 2. Zakona o upravnim sporovima, izuzev paušalnih navoda Tužioca o postojanju štete koja bi se teško može popraviti, a da odgađanje nije protivno javnom interesu niti bi se njime nanijela veća nenadoknativa šteta protivnoj stranci.

Konkurencijsko vijeće je prilikom odlučivanja o predmetnom Zahtjevu uzelo u obzir i činjenicu da maksimalna novčana kazna propisana članom 48. stav (1) tačka b) Zakona o konkurenciji može da iznosi do 10% ukupnog prihoda u prethodnoj godini. Novčana kazna od 150.000,00 KM, koju je izreklo Konkurencijsko vijeće u konačnom Rješenju iznosi približno 0,072% ukupnog prihoda, ostvarenog od Tužioca u 2007. godini, te izrečena novčana kazna ne može imati negativne posljedice na poslovanje Tužioca.

Slijedom navedenog uzimajući u obzir pravni osnov podnesenog Zahtjeva i druge navedene relevantne činjenice Konkurencijsko vijeće je ocjenilo da nema stvarnih razloga za donošenje odluke o odlaganju izvršenja pobijenog Rješenja, u smislu člana 18. st. 2. i 3. Zakona o upravnim sporovima, te je odlučilo kao u dispozitivu ovog Rješenja.

**Pouka o pravnom lijeku**

Protiv ovoga Rješenja nije dopuštena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema odnosno objave ovoga Rješenja.

**Predsjednik****dr. Stjepo Pranjić**